

**Incumbensa Koch (Tumein) concernent ina via da colliaziun per peduns e per velos Tumein – Domat / access Vial**

Ilis onns 1960–1965 è vegnida construida l'autovia Cuir – La Punt fin a la sortida da Panaduz. A medem temp è vegnì construid l'access nr. 19 Vial Domat. Dapi sia construcziun vegn quest access duvrà senza midadas dal traffic da vehichels, ma er dal traffic da velos e da peduns.

Tras quai ch'il volumen da traffic è creschì massivamain, n'è la segirezza per il traffic da velos e da peduns gia daditg betg pli garantida tar l'access Vial ed er suenter sin la punt dal Rain fin a l'entrada da Tumein resp. fin a la posta da Tumein sco er davent da l'access Vial fin a la staziun da La Punt.

La colliaziun actuala per peduns e per velos sur l'access Vial e la staziun da La Punt cuntegna fitg gronds privels per ils peduns e per ils ciclists sin il traject access Vial – staziun da La Punt.

Pervia da la situaziun fitg privlusa per il traffic da velos e da peduns tar l'access Vial, en direcziun da Tumein sur la punt dal Rain ed en direcziun da la staziun da La Punt, incumbensain nus la regenza sco suonda:

1. Planisar e construir ina via da peduns e da velos / in vial da velos davent da la posta da Tumein per lung da la via sursilvana sur la punt dal Rain, vinavant sur il surpassadi da l'autostrada fin a la sortida da Domat e per lung da la piazza da parcar Vial fin a la via da peduns e da velos existenta en direcziun da Domat sco er davent da l'access Vial fin a la staziun da La Punt.
2. Integrar la via da peduns e da velos / il vial da velos en la rait uffiziala da vias.

Cuir, ils 17 d'avrigl 2018

**Koch (Tumein)**, Joos, Cahenzli (Trin Mulin), Atanes, Baselgia-Brunner, Bleiker, Blumenthal, Bucher-Brini, Cahenzli-Philipp (Vaz sut), Caluori, Casanova-Maron (Domat), Casty, Cavegn, Della Vedova, Deplazes, Dermont, Engler, Felix (Haldenstein), Florin-Caluori, Foffa, Giacomelli, Hardegger, Hitz-Rusch, Kappeler, Koch (Igis), Komminoth-Elmer, Kunz (Fläsch), Mani-Heldstab, Märchy-Caduff, Michael (Donat), Niggli-Mathis (Grüsch), Noi-Togni, Papa, Pedrini, Perl, Peyer, Pult, Stiffler (Tavau Plaz), Tenchio, Thöny, Tomaschett (Breil), Tomaschett-Berther (Trun), Vetsch (Claustra Vitg), Vetsch (Pragg-Jenaz), von Ballmoos, Widmer-Spreiter, Degiacomi, Gugelmann, Natter, Padrun-Valentin, Wellig